

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije

Broj: 02-14-4-2182-2

Datum: 26.04.2018.

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), policijski komesar Uprave policije Ministarstva unutrašnjih poslova Kantona Sarajevo, d o n o s i:

O D L U K U
o izboru najpovoljnijeg ponuđača za
“Nabavka policijske opreme”

I

Na osnovu Odluke, broj 02-14-4-2182, od 13.04.2018. godine i Obavještenja o nabavci, 16475-1-1-26-3-26/18, od 23.04.2018. godine, proveden je otvoreni postupak za nabavku policijske opreme za potrebe Uprave policije Ministarstva unutrašnjih poslova Kantona Sarajevo (Lot 1 – Uniforma, Lot 2 – Balistički prsluci, Lot 3 – Policijske kacige, Lot 4 – Gas maske sa filterom).

II

Komisija za javnu nabavku stalnih sredstava i materijala za javni red i mir, vojnog materijala i uniforme za policijske službenike Uprave policije Ministarstva unutrašnjih poslova Kantona Sarajevo, imenovana rješenjem, broj 02/5-1-14-4-2143, od 12.04.2018. godine je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora kako slijedi:

- Za Lot 1 - Uniforma, ponuđaču KM Trade doo Visoko. Ukupna vrijednost ponude iznosi 314.871,00 KM bez PDV-a, odnosno 368.399,07 KM sa PDV-om.

- Za Lot 3 - Policijske kacige, ponuđaču KM Trade doo Visoko. Ukupna vrijednost ponude, nakon provedene elektronske aukcije, iznosi 97.850,00 KM bez PDV-a, odnosno 114.484,50 KM sa PDV-om.

III

Po okončanju roka za žalbu, ugovorni organ će pozvati izabrane ponuđače radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.

Obrazloženje

Na osnovu Odluke, broj 02-14-4-2182, od 13.04.2018. godine i Obavještenja o nabavci, 16475-1-1-26-3-26/18, od 23.04.2018. godine, proveden je otvoreni postupak za nabavku policijske opreme za potrebe Uprave policije Ministarstva unutrašnjih poslova Kantona Sarajevo (Lot 1 – Uniforma, Lot 2 – Balistički prsluci, Lot 3 – Policijske kacige, Lot 4 – Gas maske sa filterom). Procijenjena vrijednost nabavke iznosi 1.366.400,00 KM (LOT 1 – 315.000,00 KM, LOT 2 – 788.400,00 KM, LOT 3 – 105.500,00 KM, LOT 4 – 157.500,00 KM).

Prema Zapisniku sa otvaranja ponuda od 24.07.2018. godine je utvrđeno da su za aktivno učešće u postupku, dostavljene ponude od strane ponuđača: KM TRADE doo Visoko, za Lot 1, 2, 3 i 4; Shot doo Zenica, za Lot 3 i 4, Koteks doo Tešanj, za Lot 1 i 2.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-2182-1, od 04.09.2018. godine, u kome je navela da ponude ponuđača: KM TRADE doo Visoko, za Lot 1 i 3, ponuda ponuđača Shot doo Zenica, za Lot 3 ispunjavaju sve formalno-pravne, ekonomske i tehničke uslove i zadovoljavaju zahtjeve ugovornog organa.

Ponuda ponuđača Koteks doo Tešanj za Lot 1 nije prihvatljiva iz razloga jer ponuđač nije dostavio sve dokaze vezane za ispunjavanje tehničke i profesionalne sposobnosti (izvještaj o laboratorijskoj kontroli uzoraka za košulju dugi rukav i beretku uz originalni primjerak ponude), zahtijevan tačkom 12. tenderske dokumentacije, na osnovu člana 48. i 49. Zakona. Prema tome ponuda ponuđača Koteks doo Tešanj, za Lot 1, se odbacuje u skladu sa članom 68. stav (1) i (4) tačka i) Zakona.

Shodno prethodno navedenom, u skladu sa utvrđenim kriterijumom najniža cijena ponuda ponuđača KM Trade doo Visoko za Lot 1, a nakon provedene elektronske aukcije ponuda za Lot 3 je ocijenjena kao najpovoljnija, te je Komisija dala preporuku da se dodijeli Ugovor navedenom ponuđaču.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

POLICIJSKI KOMESAR
Generalni inspektor policije

Mevludin Halilović

DOSTAVITI:

1. Komisiji
2. Ponuđačima
3. Odjeljenju za odnose s javnošću,
radi objave na web stranici ugov. organa
4. a/a